

[www.BibleForChildren.org](http://www.BibleForChildren.org)

# Matayo 8



Nesae bimu ingwe gaabe ca atejächmuta soriyomu  
puga ge Kaana cewe je Galilaya probins ngalebora.  
Yeesu me mage puga ge, cuta Yeesu ne teeme  
abiberäja bägrä cama ituge ala asogleca.



Biname cina liba deedei loolo cabu jage, waina niye te piba apirige. Puma cita ca Yeesu me mage te teebine jejige egä, "Teeme waina niye lica gyene." Yepä mage te kaakesea bägrä bine jejemige egä, "Weene jeweneye, Yeesu ngena täápume jijenininige."



Puma Yeesu kaakesea bägrä bine  
jejemige, "Weene ai bine niye  
jengäremeye!" Teepe siige  
jengärimisi, ngälu tapananinisi.



Piba tabe teebibine jejemige, "Weene  
niye siiteye ängära gwidape cabu ca,  
ecaneye deedei ire atwi biname bau me."  
Siige kaakesea bägrä cina ängära gwidape  
cabu ca niye siitisi, ecanisi deedei ire  
atwi biname bau me.



Taba liba mite eglise, niye te uja waina niye me  
bäbitige. Laatibi siitisi niye ne, teepi umle ge, egä  
waina niye luma cita ca  
gyene, yepä deedei ire  
atwi biname te tabe  
umle lica ge.



Peei name pi tabe ala tesoglicige mamye rooriye ne,  
jejige egä, "Mime mule gyene soriyomu biname bine  
miiji waina niiye niinäce  
ceera, siige teepi liba  
bucurage yäänäjimusi,  
ingwe ca piba  
yääcäranemusi papa  
waina niiye. Maane  
lipulipu miijirage  
waina niiye ne  
ewetnite  
ceräcerägäabu  
ceerame?"





Yeesu ai teeme niinägerage ciitaca  
mule ne jewenige Kaana cewe je  
Galilaya probins ngalebora.  
Apu pi tabe teeme kokre ne  
eboclomtige, siige teeme  
abiberäja bägrä cina  
teebine jitrungisi.



Yeesu ädige, Peteru me mete me  
abacitige. Tabe teeme gite ne puma  
jopänige gebale cama ätwitäneji.



Yeesu teebine ime gome jwoomlige, siige gebale te obmalige. Tabe puma cita ca arpinantige, Yeesu ne mogobi jebenige.



Pui mämleteca, bimu me äpula ingwe gaabe ca Yeesu  
bau me sewadimisi iyeta pita biname bine piyepu laati  
bage niyaniya cable  
cama, pui name pi  
bucurage biname cina  
pui babo cewe cabu ca  
tabasecretnige pui  
mete gaabe gome me,  
Yeesu luma enajige.



Yeesu miiji me jwenimige bucurage maramara pita  
cama biname bine piyepu bucurage niyaniya cable  
bine iyecräjemige teeme trupa cabu ca. Tabe padare  
lica ecärimige niyaniya cable cina mene iicemame  
teeme poto cidi me, ingle teepi umle ge, egä tabe  
laasi nyene.



Yoo, iyeta biname cina singi teebine oomlaname, ingle kokre te teeme cabu ca tasatenige teebibine iyeta miiji me wawename.




Puma cita ca epu bucurage biname cina  
tabasecretnige teeme bau me, egä mete te tapanige,  
cuta nuuja puupu lica ge gaabe gome.



Yeesu liba teebibine Acejiyame me mene jejemige,  
piba fooma biname cina tatyarige, waaku cabu pita  
biname ne secanisi, lui me nuuja poto tääpe budre ge.




Teepi äblicäco ge Yeesu mameta me  
otni bucurage biname name pi, peei  
name pi mete toro cabu me jegelisi,  
toro cabu bora ne jewenisi Yeesu  
me tuumeji, siige pui bora cabu ca  
waaku ne siyini, pita  
biname te lui cabu  
ätwitäneji ge.




Yeesu liba jepänimige, egä teepi babo ätrunga cama  
gemi, tabe jejige pita biname  
ne egä, "Cäme biname,  
maane kälyä gäte mäame  
niiya mule cabu ca."


"Cane meebine  
naajenine, arpinanti,  
abujängti, waaku ne  
ecati, mäame  
mete me ädi."



Yeesu poo cabu me acenutige,  
teeme abiberäja bägerä cina teta  
cama acetnärige. Teepi liba  
eclige, baborage buuwe te  
tipwäjige sawa cabu,  
siige uule kuu cina poo  
ne itrugärisi. Yepä  
Yeesu ute ge.



Yeesu jejemige egä, "Weene wälu ngeno memi? Weeme ätrunga matikolärage gyene." Tabe abujängtige, kokre cama buuwe piyepu uule kuu bine mene jejemige, siige piba bulubulu mataru te enajige. Abiberäja bägrä cina mutäcäco äbitininisi, jiicisi egä, "Ai biname Laasi nyene? Buuwe piyepu uule cina teeme mene jitecijisi."



Acejiyame te epu babo singi ge biname  
bime täápume, egä tabe teeme  
japurage Bägrä ne tityepuji, siige  
laati te liba teebine jäätrunguge,  
tabe lica birige apesera yepä  
tabe iyeteta ireclota  
ne päpäna.



Rooma 3:23 Ingle naace gyene iyeta biname cina niiya mule bine jaawenemusi. Iyeta biname lui toraca ingwe gaabera gemi Acejiyame bau ca, tabe lui conocäco piiyepu jamyacu apacyera cama gyene.

Rooma 6:23 Yoo, niiya mule me daremu gyene budre piiyepu niiya puupu cabu lenajame iyeteta. Yepä, Acejiyame owecu gyene mime täapume piiyepu mibibine iyeteta ireclota ne nicärininige mime Yageyame Yeesu Keriso cama ngälu cäco lenajame.

Heberu 9:27 Yoo, biname cina lipu yepä gääbu taatu budre äbita, siige Acejiyame peei ingwe gaabe ca teebibine cirege atrana.



Epeso 2:8,9 Ingle Acejiyame babo singi gyene ätityerame, tabe weebibine niiya cabu ca itu isecrärinuji ingle weeme ätrunga name pi. Ai lui wemiji wawenäneji lica gyene, yepä Acejiyame me owecu gyene weeme täápume. Ai lui weeme kaakesea daremu lica gyene, peei name pi nuuja te äblicäco teemämu awepyeräja.

Rooma 10:9,10 Peei name pi weene liba tage ca jiicemuye egä, "Yeesu lui cäme Yageyame," piyepu ngenecu cama jäätrunguye egä, "Acejiyame te Yeesu ne budre cabu ca erpinantuji," weene piba äsecräreji gemi iyeteta ireclota päpäname. Ingle naace gyene mine liba ngenecu cama jäätrungusi, mine Acejiyame täápume conocäco läbitininusi, cuta liba tage ca peei ätrunga poto cidi me jiicemusi, mine äsecrera gaabe ne jääpänusi.



Yoane 3:16,17 Acejiyame te epu babo singi ge biname bime tääpume, egä tabe teeme japurage Bägrä ne tityepuji, siige laati te liba teebine jäätrunguge, tabe lica birige apesera yepä tabe iyeteta ireclota ne päpäna. Acejiyame te lica teeme Bägrä ne tityepuji ai gawecewe cabu me biname bine atraname niiya puupu cabu me otnime, yepä tabe naace tääpume tityepuji tabe teebibine niiya cabu ca äsecreraame.

1 Yoane 5:11-13 Pui aitneja lui eei gyene, egä Acejiyame te iyeteta ireclota ituge ceera mibibine, mine lui ireclota ne jepäninisi teeme Bägrä cabu ca. Laati te liba teeme Bägrä cama yepä birige, tabe ireclota cama yaanajuge. Yepä laati te liba yepä lica birige teeme Bägrä cama, tabe lica ireclota cama yaanajuge. Cane ai ne naace tääpume bii byoogärine weeme bau me, lui cina ätrungane yaacituye Acejiyame me Bägrä me ngii cabu, egä weene umle äbitame egä weeme ngälu cäco ireclota pisi nyene.



Matayo 8-9; Mareko 1-2, 4; Luuka 4, 8; Yoane 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Bine Bible (bon) © 1993, Wycliffe Bible Translators,  
Inc. All rights reserved.

[www.bible.com/bible/975/MAT.1](http://www.bible.com/bible/975/MAT.1)

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

